

Perdana Menteri hadir Ekspo China-ASEAN ke-20 di Nanning

Kuala Lumpur: Datuk Seri Anwar Ibrahim akan mengadakan lawatan kerja ke Republik Rakyat China (RRC) hari ini untuk menghadiri Ekspo China-ASEAN (CAEXPO) ke-20 di Nanning, Wilayah Guangxi atas jemputan Premier China, Li Qiang.

Dalam lawatan itu, Perdana Menteri akan diiringi Timbalan Menteri Luar Negeri, Datuk Mohamad Alamin yang mewakili

Menteri Luar Negeri, Datuk Seri Dr Zambry Abd Kadir; Menteri Pelaburan, Perdagangan dan Industri, Tengku Datuk Seri Zafrul Aziz; Menteri Pembangunan Kerajaan Tempatan, YB Nga Kor Ming; Timbalan Menteri Pertanian dan Keterjaminan Makanan, Chan Foong Hin dan pegawai kanan kerajaan.

Menurut kenyataan Wisma Putra, Perdana Menteri dijadual untuk menyampaikan ucapan ke-

tika Majlis Perasmian CAEXPO dan China-ASEAN Business and Investment Summit (CABIS), bersama Premier Li Qiang dan pemimpin ASEAN yang lain.

Perdana Menteri akan turut merasmikan Astaka Malaysia' ketika ekspo berkenaan.

Selain menghadiri ekspo itu, Perdana Menteri juga akan mengadakan mesyuarat dua hala dengan rakan sejawat, Premier Li Qiang. Kedua-dua pemimpin di-

jangka akan membincangkan status hubungan dua hala Malaysia-China dan bertukar-tukar pandangan mengenai isu serantau dan antarabangsa yang berkepentingan bersama.

Li Qiang akan menghoskan makan tengah hari bagi meraikan Perdana Menteri.

CAEXPO acara pameran antarabangsa terbesar dianjurkan China dan ASEAN, yang berfungsi sebagai platform bagi ahli per-

niagaan dan perusahaan dari rantau ASEAN dan RRC untuk meneroka kerjasama serta mempromosi produk di kawasan perdagangan bebas terbesar di dunia.

Malaysia sertai ekspo ini sejak penubuhannya pada 2004. Tahun ini, 107 syarikat Malaysia menyertai ekspo di bawah Astaka Malaysia, diselaras Perbadanan Pembangunan Perdagangan Luar Malaysia (MATRADE).